




საშურის მოახბა



№41(322)

7 დეკემბერი, სამშაბათი, 2021 წელი

საშურის მუნიციპალიტეტის ახლადარჩეული საკრებულოს პირველი სხდომა

ცენტრალურმა საარჩევნო კომისიამ, თვითმმართველობის არჩევნების საბოლოო შედეგების შეჯამების შემდეგ, მთელი ქვეყნის მასშტაბით, საკრებულოს პირველი სხდომის თარიღი 3 დეკემბერი დაადგინა. ერთი თვის ინტერვალი კი კანონმდებლობით იყო გაწერილი და



კომისია სასამართლოების შედეგებს უცდიდა, რომელიც, რამდენიმე მუნიციპალიტეტში, სხვადასხვა საჩივრების გამო გაიმართა.

3 დეკემბერს, ისევე, როგორც სხვა დანაჩენ 63 მუნიციპალიტეტში და თვითმმართველ ქალაქებში, საკრებულოს პირველი სხდომა საშურშიც შედგა. სხდომა საოლქო-საარჩევნო კომისიის თავმჯდომარის მოადგილემ მინდია ქურდაძემ გახსნა. უპირველეს ყოვლისა, დეპუტატებმა წუთიერი დუმილით, პატივი მიაგეს საოლქო-საარჩევნო კომისიის თავმჯდომარის - იმედო ლაცაბიძის ხსოვნას. ამის შემდეგ, მინდია ქურდაძემ, ამოიკითხა დეპუტატთა სია (საკრებულოს პირველი სხდომის, სხვადასხვა მიზეზით, სამი წევრი აკლდა), დაადასტურა, რომ ქვორუმი იყო და საკრებულოს შექმნილი მუშაობის გაგრძელება. ვიდრე სხდომას საკრებულოს უზუცესი წევრი წარუძღვებოდა, რაც კანონმდებლობითაა გათვალისწინებული, მინდია ქურდაძემ მოკლედ მიმოიხილა საშურის მუნიციპალიტეტში ჩატარებული

გაწეული მიუშაობისათვის. საპროცედურო საკითხთა განხილვის დაწყებამდე, განცხადება გააკეთა პარტია „საქართველოსთვის“ წევრმა შოთა კურტანიძემ, რომელმაც აღნიშნა, რომ მისი აზრით, არჩევნები დარღვევებით ჩატარდა (?), თუმცა, მომავალი ოთხი წლის განმავლობაში, ის და მისი გუნდი ყველაფერს გააკეთებენ, რომ მმართველმა პარტიამ მხოლოდ ხალხის ინტერესებით იმოქმედოს და არა საკუთარი კეთილდღეობისათვის. ამის შემდეგ, პარტია „საქართველოსთვის“ წევრებმა დატოვეს სხდომა, რომელიც საპროცედურო საკითხებით გაგმელდა. დეპუტატებმა, პირველ რიგში, ხმის დამთვლელი დროებითი კომისია აირჩიეს (თავმჯდომარე - ნოდარ ლომიძე, მდივანი - მაყვალა მასურაძე, წევრი - მერაბ ცხოვრებაძე). პარალელურად, დამტკიცდა დროებითი სამანდატო კომისია (თავმჯდომარე ზაზა სხილაძე, მდივანი მარინა დიდბულიძე, წევრი ალექსანდრე სიმონიშვილი). კომისიამ შეისწავლა არსებული დოკუმენტაცია, აღნიშნა, რომ დარღვევები არაა და თანხმობა მისცა საკრებულოს კენჭი ეყარა დეპუტატების უფლებამოსილების დამტკიცებისათვის, რაც განხორციელდა კიდევ. აღსანიშნავია, რომ კენჭისყრაში მონაწილეობაზე უარი განაცხადეს პარტია „ნაციონალების“ და „ლელოს“ წევრებმა.

ამის შემდეგ, საკრებულო გადავიდა თავმჯდომარის არჩევის საკითხზე. დასახელდა მხოლოდ ერთი კანდიდატი - პარტია „ქართული ოცნების“ წევრი ნინო ლიპარტელიანი, გამზადდა ბიულეტენები და დაიწყო არჩევნები. როგორც ზემოთ აღინიშნა, „ნაციონალების“ და „ლელოს“ წევრების კენჭისყრაში მონაწილეობაზე უარის გამო, არჩევნებში 16 დეპუტატი მონაწილეობდა. თექვსმეტივემ ხმა მისცა დასახელებულ კანდიდატს და საკრებულოს ოთხი წლის განმავლობაში ქალბატონი ნინო ლიპარტელიანი უხელმძღვანელებს.

ახლადარჩეულმა თავმჯდომარემ დაიკავა თავისი პოსტი და საკრებულოს სხდომას წარუძღვა. მან მადლობა გადაუხადა დეპუტატებს მაღალი ნდობისთვის და აღნიშნა, რომ ოთხი წლის განმავლობაში მალასა და ენერჯის არ დაზოგავს, რომ საშურის მუნიციპალიტეტში მნიშვნელოვანი წინსვლა მოხდეს ეკონომიკური თუ სოციალური კუთხით. მთავარია, რომ ერთად ვიყოთ და ერთად ვაკეთოთ ის საქმე, რომელსაც ამომრჩეველი ჩვენგან მოითხოვს და რაც საშურს და მთლიანად ქვეყანას სჭირდება, - განაცხადა მან. ამის შემდეგ, მან დაასახელა თავმჯდომარის მოადგილეები. არჩევნების შედეგად, საკრებულოს თავმჯდომარის პირველი მოადგილე იქნება ლევან გამრეკელი, მოადგილეები კი - ნოდარ ლომიძე და ცოტნე ნოზაძე. (მათი ბიოგრაფიები იხილეთ 2-ე გვერდზე).

საკრებულოს სხდომამ ცნობად მიიღო „ქართული ოცნების“ და „ნაციონალების“ განცხადება ფრაქციების დაფუძნების შესახებ, რის შემდეგაც გაიმართა სხვადასხვა კომისიების თავმჯდომარეების არჩევნები, რომლის შედეგებიც ასეთია: სამანდატო, საპროცედურო და ეთიკის საკითხთა კომისიის თავმჯდომარედ არჩეულია მარინე დიდბულიძე, საფინანსო-საბიუჯეტო კომისიას - მუხრან ჩადუნელი უხელმძღვანელებს, სოციალურ საკითხთა კომისიას - თათია ბროლიძე, ქონების მართვისა და ბუნებრივი რესურსების საკითხთა კომისიას - ზაზა

სხილაძე და სივრცითი ტერიტორიული დაგეგმარებისა და ინფრასტრუქტურის საკითხთა კომისიას - მიხეილ ჯანაშვილი.

ამით ახლადარჩეული საკრებულოს პირველი სხდომა დასრულდა. შემდეგი რიგგარეშე სხდომა 15 დეკემბრამდე გაიმართება, რომელზეც დეპუტატები მუნიციპალიტეტის 2022 წლის ბიუჯეტზე იმსჯელებენ. პარალელურად, დამტკიცდება კომისიების წევრები.



არჩევნები. აღინიშნა, რომ არჩევნები ყოველგვარი დარღვევების გარეშე ჩატარდა. 48787 ამომრჩეველიდან ხმა მისცა 25105 - მა, რაც საერთო რაოდენობის 51 პროცენტია. საკრებულოს დეპუტატები კი პროპორციული წესით 18, ხოლო მაჟორიტარული წესით 9 კაცია. ამის შემდეგ, სხდომას უზუცესი წევრი ალექსანდრე ნოზაძე წარუძღვა. მან, უპირველეს ყოვლისა, ყველა დეპუტატს მიულოცა არჩევნებში გამარჯვება და მადლობა გადაუხადა წინა მოწვევის საკრებულოს წევრებს და მის თავმჯდომარეს

საშურის მუნიციპალიტეტის თავმჯდომარედ არჩეულია ნინო ლიპარტელიანი

ნინო ლიპარტელიანი დაიბადა 1969 წლის 24 მარტს, საშურში. დაამთავრა საშურის მე-3 საშუალო სკოლა, შემდეგ გორის სახელმწიფო უნივერსიტეტი და თსუ ასპირანტურა. 1991 წლიდან 1998 წლამდე მუშაობდა გორის სახელმწიფო უნივერსიტეტში ლაბორანტის, ასისტენტის, მასწავლებლის, უფროსი მასწავლებლის, დოცენტის თანამდებობაზე. 1997 წელს დაიცვა საკანდიდატო



დისერტაცია და მიენიჭა ეკონომიკის მეცნიერებათა კანდიდატის ხარისხი, რომელიც გათანაბრებულია დოქტორის აკადემიურ ხარისხთან. წლების განმავლობაში გორის სახელმწიფო სასწავლო უნივერსიტეტში ასრულებდა დეკანის მოადგილისა და ფაკულტეტის ხარისხის უზრუნველყოფის სამსახურის ხელმძღვანელის მოვალეობას. 2020 წლიდან არის გორის სახელმწიფო სასწავლო უნივერსიტეტის მუდმივი პროფესორის აკადემიურ თანამდებობაზე. პარალელურად, თანამშრომლობს თბილისის დავით აღმაშენებლის სახელობის უნივერსიტეტთან. სხვადასხვა დროს მონაწილეობდა არაერთ საერთაშორისო და ადგილობრივ სამეცნიერო კონფერენციაში, არის 49 სამეცნიერო ნაშრომის, მონოგრაფიის, წიგნის ავტორი, რედაქტორი და რეცენზენტი, სადისერტაციო და სამეცნიერო საბჭოს წევრი. 2017 წლიდან დღემდე განათლების ევროპული ცენტრის (EUROPEAN CENTER OF SCIENCE EDUCATION AND RESEARCH) სამეცნიერო პლატფორმის წევრია.

ჰყავს მეუღლე და ორი შვილი.

ლევან გამრეკელი

**მუნიციპალიტეტის საკრებულოს
თავმჯდომარის პირველი მოადგილე**

დაიბადა 1975 წელს. 1992 წელს დაამთავრა ოსიაურის საშუალო სკოლა, შემდეგ კი ხაშურის უნივერსიტეტში სამართალმცოდნეობის ფაკულტეტი (1997წ.). 2004-2007 წლებში სწავლობდა „ვიტას“ უნივერსიტეტში (საბანკო სექტორი და ბიზნესის



ადმინისტრირება), აქვს ბაკალავრის ხარისხი. 2007-2010 წლებში იყო საქართველოს ნავთობსადენის კომპანიაში სამშენებლო სამმართველოს უფროსი, 2010-2014 წლებში კი - ამავე კომპანიის გენერალური დირექტორის მოადგილე. 2014-2017 წლებში მოღვაწეობდა კერძო ბიზნესში. იყო წინამორწევის საკრებულოს წევრი და „ქართული ოცნების“ ფრაქციის თავმჯდომარის მოადგილე. ჰყავს მეუღლე და ორი შვილი.



ნოდარ ლომიძე

**მუნიციპალიტეტის საკრებულოს
თავმჯდომარის მოადგილე**

დაიბადა 1990 წელს, 2000 წელს დაამთავრა ხაშურის მე-7 საჯარო სკოლა, შემდეგ კი-საქართველოს ეროვნული უნივერსიტეტი. მიიღო ბიზნესისა და მართვის სპეციალობა. იმსახურა ქართულ ჯარში, რომლის დასრულების შემდეგ, მუშაობდა "კრედო" ბანკში სესხის ოფიცრად. დაოჯახებულია



ვოტნე ნოზაძე

**მუნიციპალიტეტის
საკრებულოს
თავმჯდომარის
მოადგილე**

დაიბადა 1995 წელს. დაამთავრა ხაშურის I საჯარო სკოლა, შემდეგ კი საქართველოს ტექნიკური უნივერსიტეტის ენერგეტიკის ფაკულტეტი.

იყო ხაშურის მუნიციპალიტეტის წინამორწევის საკრებულოს წევრი. 2017-18 წლებში ხელმძღვანელობდა „ქართული ოცნების“ ხაშურის ახალგაზრდულ ორგანიზაციას.

პენსიონერებისა და სოციალურად დაუცველი ოჯახების ერთიან მონაცემთა ბაზაში რეგისტრირებული პირებისთვის ელექტროენერჯის საფასურის გადახდის სპეციალური ვადები წესდება

საქართველოს ენერგეტიკისა და წყალმომარაგების მარეგულირებელი ეროვნული კომისიის (სემეკ) გადაწყვეტილებით, 2022 წლის პირველი იანვრიდან, საქართველოს მასშტაბით, პენსიონერები და სოციალურად დაუცველი ოჯახების ერთიან მონაცემთა ბაზაში რეგისტრირებული პირები მოხმარებული ელექტროენერჯის საფასურის გადახდის სპეციალური ვადებით ისარგებლებენ.

მოქალაქეთა მიმართვის საფუძველზე, სემეკის მიერ შემუშავებული ახალი წესის მიხედვით, დარიცხული ელექტროენერჯის საფასურის გადახდა პენსიონერებს ყოველი თვის 16 რიცხვამდე შეეძლება, ხოლო ყოველი თვის 22 რიცხვამდე გადახდის საშუალებით პერიოდით ისარგებლებენ სოციალურად დაუცველი ოჯახების ერთიან მონაცემთა ბაზაში რეგისტრირებული პირები.

გადახდის სპეციალური ვადებით სარგებლობისათვის პენსიონერებმა და სოციალურად დაუცველი ოჯახების ერთიან მონაცემთა ბაზაში რეგისტრირებულმა პირებმა საკუთარი გარემოებების შესახებ ინფორმაცია უნდა მიაწოდონ ელექტროენერჯის მიმწოდებელ კომპანიებს, ქ. თბილისში - „თბილისის ელექტრომიმწოდებელ კომპანიას“ (თელმიკო), ხოლო რეგიონებში - „ეკ ჯორჯია მიწოდებას“.

ყველა სხვა საყოფაცხოვრებო მომხმარებელი, რომელიც არ მიეკუთვნება პენსიონერებისა და სოციალურად დაუცველი ოჯახების ერთიან მონაცემთა

ბაზაში რეგისტრირებული პირების კატეგორიას, ელექტროენერჯის საფასურს გადაიხდის დარიცხვიდან 15 კალენდარული დღის ვადაში.

მოხმარებული ელექტროენერჯის საფასურის გადახდის ვადის პენსიისა და საარსებო შემწეობის მიღების ვადებზე მორგების მიზნით მრიცხველების წაკითხვა განხორციელდება ერთიანი სისტემით, ყოველი თვის ბოლო ოთხ დღეში. შესაბამისად, 2022 წლიდან მოხმარებული ელექტროენერჯის ქვითარს მოხმარებლები თვის დასაწყისში მიიღებენ, სადაც ასახული იქნება წინა თვის ელექტროენერჯის ხარჯი (არაუმეტეს 30 დღისა).

თბილისში, მრიცხველის წაკითხვის ერთიან სისტემაზე გადასვლასთან დაკავშირებით, ე.წ. გარდამავალ პერიოდში, მიმდინარე წლის დეკემბერში შპს „თელმიკოს“ აზონენტა ნაწილი, რომლისთვისაც ახალ მეთოდზე გადასვლით იცვლება მრიცხველის წაკითხვისა და მოხმარებული ელექტროენერჯის საფასურის დარიცხვის ვადა, 2 ქვითარს მიიღებს. პირველ ქვითარს ასეთი მომხმარებლები დეკემბერში მიიღებენ არსებული ე.წ. ბლოკური წაკითხვის (მრიცხველების წაკითხვა სხვადასხვა პერიოდში) მიხედვით, რომელზეც ასახული იქნება 30 დღის განმავლობაში (ნოემბერი-დეკემბრის დასაწყისი) მოხმარებული ელექტროენერჯის გადასახადი. მეორე ქვითარს მიიღებენ დეკემბრის ბოლოს - ერთიანი წაკითხვის სისტემით (მრიცხველების წაკითხვა თვის ბოლო 4 დღეში), რომელშიც აისახება დეკემბერში მოხმარებული ელექტროენერჯის გადასახადი. ამასთანავე, საახალწლო დღეებიდან გამომდინარე, მოხმარებელთა გარკვეული ნაწილი ქვითარს მიიღებს 2022 წლის იანვრის დასაწყისში, რომელშიც იქნება ასახული დეკემბერში მოხმარებული ელექტროენერჯის დარიცხვის ფაქტობრივი მონაცემები. (დარიცხვა განხორციელდება არაუმეტეს 30 დღეზე).

ცვლილების გამო ადგილი არ ექნება ზედმეტობით დარიცხვებს და მოსახლეობას ელექტროენერჯის გადასახადი არ გაეზრდება.

კამპანია ქალთა მიმართ ძალადობის წინააღმდეგ

ქალთა მიმართ ძალადობის წინააღმდეგ 16 დღიანი კამპანიის ფარგლებში, ევროკავშირის სადამკვირვებლო მისიის ხელმძღვანელი მარეკ შჩიგელი, შიდა ქართლის სახელმწიფო რწმუნებულის მოადგილე თენგიზ ხუბულური, ადგილობრივი ხელისუფლებისა და არასამთავრობო

შედეგებში. თავის მხრივ, მარეკ შჩიგელმა მაღლიერება გამოხატა გორის ქალთა თავშესაფრისა და მისი პარტნიორი ორგანიზაციების მიმართ



სექტორის წარმომადგენლები გორში მდებარე ძალადობის მსხვერპლთა თავშესაფარს ესტუმრნენ. თავშესაფრის დირექტორმა ლამარა შაყულაშვილმა სტუმრებს სამუშაო სპეციფიკა და სამომავლო გეგმები გააცნო. შეხვედრაზე რწმუნებულის მოადგილემ აღნიშნა, რომ ქალთა უფლებების დაცვა და ძალადობის წინააღმდეგ ბრძოლა საქართველოს მთავრობის პრიორიტეტია. რაც აისახება სხვადასხვა სფეროში მიღწეულ



გაწეული საქმიანობისთვის. ქალთა მიმართ ძალადობის წინააღმდეგ 16 დღიანი კამპანია მსოფლიოში 1991 წლიდან იმართება, რომელსაც მსოფლიოს 187 ქვეყანა და 5000-ზე მეტი ორგანიზაცია უერთდება. კამპანია მიზნად ისახავს საზოგადოების ცნობიერების ამაღლებას ქალთა მიმართ ძალადობის საკითხებზე. ქალთა მიმართ ძალადობის წინააღმდეგ 16 დღიანი კამპანიის ფარგლებში გამართულ შეხვედრას ხაშურის მუნიციპალიტეტის მერიიდან ესწრებოდა გენდერული თანასწორობის საკითხებზე პასუხისმგებელი პირი ნინო სუბიაშვილი.

- 30 წელი ხალხის სამსახურში -

მძღოლი, რომელმაც მგზავრთა სიყვარული და პატივისცემა დაიმსახურა

როგორც ჟურნალისტი, ჩემი წერილების გმირებს ხანგრძლივი პერიოდის განმავლობაში ვაკვირდები და მხოლოდ მერე ვიწყებ ფიქრს გაზეთისათვის წერილის დასაწერად.

ამას იმიტომ ვაკეთებ, რომ არ მინდა, ჩემს წარმოსახვაში ზერელედ, მოვალეობის მოხდის მიზნით მივუდგე ამა თუ იმ პროფესიის ადამიანების შრომას, მოღვაწეობას, დასაფასებელი ღირსეულად უნდა დაფასდეს, გასაკრიტიკებელი კი ასევე ობიექტურად უნდა მოუქცეს კრიტიკის ქარცეცხლში.

ამ წერილის დაწერაც სწორედ ასეთმა დაკვირვებამ განაპირობა და ვფიქრობ, ხაშურელთათვის უინტერესო არ უნდა იყოს ქვემოთ ჩემს მიერ ნაამბობი.

30 წლზე მეტია, რაც ბატონი პაატა ლოთუაშვილი უმწიკვლოდ, უავარიოდ ემსახურება ხაშურისა და დაბა ახალდაბის მოსახლეობას და ამით მნიშვნელოვანი წვლილი შეაქვს ორი მუნიციპალიტეტის მოსახლეობის დაახლოებასა და საქმიან ურთიერთობებში.

სამი ათეული წელი ცოტა არაა იმისათვის, რომ ადამიანის, მითუმეტეს მძღოლის, დადებითი და უარყოფითი თვისებები დაინახო და ღირსეულად შეაფასო, თავისთავად ცხადია ის ფაქტი, რომ უხემ და უკულტურო მძღოლს მგზავრი არ ეყოლება, მითუმეტეს, თუ ყოველივე ამას არაპროფესიონალიზმიც ახლავს თან.

ყველაზე საინტერესო ის არის, რომ ჩემი წერილის გმირმა არ იცის ვინ ვარ მე, და არც უნდა იცოდეს. დე ინკოგნიტოდ დავრჩე, ამის პრობლემა არ არის. მთავარია ამ კეთილშობილი პიროვნების პორტრეტი სრულყოფილად წარმოვაჩინო მკითხველის წინაშე.

ცნობილი ფაქტია, ახალდაბელები ხაშურიდან, აქაურ უადრესად ნიჭიერ და ყურადღებიან მოსახლეობასთან უფრო ურთიერთობენ ვიდრე ბორჯომთან.

გარდაიმიოსა, რომ ხაშურის აგრობაზარი (რომელიც ერთ-ერთ საუკეთესოდ მიმაჩნია) ახალდაბელებისათვის ძალზე ხელმისაწვდომია არა მარტო სიიაფით, არამედ სისუფთავით, კულტურული მომსახურებით და სხვა არა ნაკლებ მნიშვნელოვანი ფაქტორებით. ამას ემატება ისიც, რომ აგრობაზარი ავტომაგისტრალთან ახლოსაა და ბორჯომისკენ მიმავალ სამგზავრო ტრანსპორტსაც ადვილად იყენებენ.

ასეა ხაშური - ახალდაბის სამარშუტო მიკროავტობუსიც, რომელსაც ბატონი პაატა ემსახურება. მგზავრთა დიდი ნაკადი სწორედ აგრობაზარის კლიენტია, ამას ემატება სხვადასხვა საჯარო სივრცეები: ბანკი, აფთიაქები, ოუსტიციის სამინისტროს ობიექტები, სადაც გაცილებით უკეთეს მომსახურებას უწევენ ვიდრე სხვაგან.

აი ასეა, თითქოს ერთი უბრალო პროფესიის ადამიანია ჩვენი პაატა, (რომელსაც ახალდაბელები როგორც ოჯახის წევრს ისე მიმართავენ), მაგრამ უდიდესი ფუნქცია აკისრია მგზავრთა უნაკლო მომსახურების საქმეში. სწორედ ამიტომაც, რომ მომრავლებული სატრანსპორტო საშუალებების ფონზე, პაატას მიკროავტობუსს არ აკლია ერთგული მგზავრი, რომელიც მოთმინებით ელოდება გრაფიკით მავალ ტრანსპორტს.

დიან, ბატონი პაატა არამარტო მაღალი პროფესიონალიზმით და ოსტატობით, არამედ მგზავრთა მომსახურების მაღალი კულტურითაცაა გამორჩეული.

პაატა განსაკუთრებულ ყურადღებას იჩენს ხანდაზმული ადამიანების მიმართ, ეხმარება მათ ტვირთის მიკროავტობუსში განთავსებაში, დასაჯდომი ადგილის მოძიებაში. ხშირად შესწრებივარ მის თავაზიანობას, არასოდეს არ უხემობს. არც თუ იშვიათად ყოფილა შემთხვევები, როცა მგზავრობის ფული ადარ დარჩენია მგზავრს და უხერხულობიდან ისევ პაატას გამოუყვანია.

მობრძანდი, გენაცვალე, მეტი რა შეგვიძლია ადამიანებს თუ ერთმანეთს მხარში არ დავუდევითო...

არც თუ იშვიათად ასეთ ფაქტებსაც ჰქონია ადგილი, - ვიდაც კუდაბზიკას ნაცნობისათვის უთქვამს: მენი გადახდილია, ადარ შეწუხდეთ... ამ ვითომ გადამხდელს კი პაატასათვის უთქვამს, ძმა! ახლა არ მაქვს ფული და შემდეგ



გადაგიხდიო. ერთ მუქთა კლიენტს მეორეც აეკიდა რამე თუ მსგავსი ადამიანები არაფრის გადამხდელი არ არიან.

ჩვენი პაატა კი დიდსულოვნად პატიობს ე.წ. „ვაჟკაც კაცუნებს“, ვინცლო ოდესმე ნამუსმა შეაწუხოს და გვიან მაგრამ მაინც გადაიხადოს ვალი.

ცალკე უნდა აღინიშნოს ისიც, რომ მიკროავტობუსის ბოლო გაჩერება დაბის ცენტრია, მაგრამ ბევრი ტვირთის მქონე მგზავრს უთხოვია, იქნებ სახლამდე მიმატანილიყო, პაატაც ცდილობს მხარში დაუდგეს შეწუხებულ მგზავრს და საკუთარი, რამდენიმე წუთიანი შესვენება მორიგ რეისამდე გადადოს და მგზავრს მოემსახუროს უპრობლემოდ.

პაატა ის ადამიანია, რომელიც კარგად გრძნობს ცხოვრების მაჯისცემას, მგზავრთა გუნება-განწყობას და ცდილობს, თავისი ზრდილობიანი და კულტურული მომსახურებით კეთილსინდისიერად მოემსახუროს ხალხს. ცდილობს, ამ გაუსაძლისი ცხოვრებით გულდამძიმებულ ადამიანებს შეუმსუბუქოს მდგომარეობა, შეაშველოს ხელი.

სწორედ საქმისადმი, სამსახურისადმი და მოვალეობისადმი ასეთი დამოკიდებულებით მან დაიმსახურა მგზავრთა არა მარტო სიყვარული, არამედ ერთგულებაც.

უსურვოთ ჩვენს პაატა ლოთუაშვილს, ჯანმრთელობა, უავარიო მუშაობა და თავისი მოვალეობების კვლავაც უმწიკვლოდ შესრულება და მოპოვებული ავტორიტეტის კვლავაც შენარჩუნება.

თემურ ხუხუნიაშვილი,
საქართველოს დამსახურებული ჟურნალისტი

- კოვიდ - 19 -

მდგომარეობა კვლავ საგანგაშოა

პანდემიური მდგომარეობა ისევ უმართავია ქვეყანაში, ყოველდღიურად, ინფიცირების ძალიან დიდი მაჩვენებელი ფიქსირდება. მთავრობის გადაწყვეტილებით, პირველი დეკემბრიდან, მწვანე ბარათების სისტემა ამოქმედდა, რომლის მიზანიც, ქვეყანაში ვაქცინაციის ზრდაა. გარდა ამისა, ორჯერ ვაქცინირებულთათვის, ბუსტერ დოზის დამატებაც ხდება. რა მდგომარეობაა ინფიცირების, ვაქცინაციის კუთხით ჩვენს მუნიციპალიტეტში, რას ნიშნავს მწვანე ბარათი და რა სიკეთეს მოუტანს ქვეყანას მისი არსებობა ვირუსთან ბრძოლაში, ტრადიციულად, ხაშურის საზოგადოებრივი ჯანდაცვის სამსახურის უფროსი დავით ჩიქოვანი ისაუბრებს:

—მდგომარეობა, როგორც ზოგადად ქვეყანაში, ისე ხაშურის მუნიციპალიტეტში, ისევ არასახარბიელოა. გასულ ორშაბათს, მხოლოდ ერთ დღეში 130 დადასტურებული შემთხვევა გვექონდა, მეორე დღეს 70. გასული კვირის მონაცემებით, გვყავს 600-მდე აქტიური ავადმყოფი. გავრცელება ძალიან დიდია, იოლად ვრცელდება ვირუსი. პრობლემა ისევ რეგულაციების დაუკველობა და არასერიოზული დამოკიდებულებაა, რასაც ჩვენ, სამწუხაროდ, ვერ ვარეგულირებთ. რესტორნები, სარიტუალო დარბაზები და სხვა თავმჯდომარის ობიექტები, ისევ სრული დატვირთვით მუშაობს, რაც ვირუსის გადაცემა-გავრცელების საუკეთესო საშუალებაა.

მომართვიანობა ტესტირებაზე, ისევ დიდია. ამ ეტაპზე, ხუთი ლაბორატორია აკეთებს უფასო ტესტირებებს. შაბათ-კვირას ქორწილში არიან და ორშაბათს უკვე ტესტირებებზე მოდიან, რადგან მის გვერდით მყოფს დაუდასტურდა ვირუსი, რაც, არასერიოზული დამოკიდებულებაა მოსახლეობის მხრიდან. გეგმიურად ვტესტავთ ბაღის აღმზრდელებს, სკოლის მასწავლებლებს და პერსონალს, პოლიციას, სტომატოლოგებს. პედაგოგებში ისევ ბევრია აუცრელი და დადასტურებული შემთხვევებიც გვაქვს. ამ ეტაპზე, დახურულია ორი სკოლა და ორი საბავშვო ბაღი, რამდენიმე კლასიც დახურულია. სოფლის სკოლებში, გასულ კვირას, ხუთ ადამიანს დაუფიქსირდა ვირუსი. ვცდილობთ, რომ სკოლები არ დაგხუროთ და მხოლოდ კლასები გადაიყვანოთ დისტანციურ სწავლებაზე, რომ განათლების სისტემა დავიცვათ. დირექტორებთან გავდივართ კონსულტაციას და შესაბამისად, ვიდებთ გადაწყვეტილებას. ამ ეტაპზე, 1200 მასწავლებლიდან, 300 ჯერ კიდევ აუცრელია.

წინა კვირას, მხოლოდ ერთ დღეს, 300 ადამიანი აიცრა, აქედან, 250 იყო პირველადი აცრა, ძალიან ბევრია პენსიონერი. ჩემი აზრით, მწვანე

ბარათის ამოქმედება საწირო იყო და შეიძლებოდა, უფრო მკაცრიც ყოფილიყო და გეწინააღმდეგები უკვე კოვიდგადატანილი ადამიანისთვის მუდმივი მწვანე ბარათის მიცემას.

—ბუსტერი, როგორც იცით უკვე დაიწყო. ჩინური ვაქცინით, აცრიდან მესამე თვეს უკვე შეუძლიათ ბუსტერის გაკეთება ნებისმიერი ვაქცინით და ფაიზერის შემთხვევაში, მეორე აცრიდან ექვს თვეში, 60-წლიდან ზევით



სამი თვის შემდეგაც შეუძლიათ. 60 წლის ასაკის ადამიანებისთვის, ეს ვირუსი უფრო მეტად არის რისკის შემცველი, ამიტომ მისცეს რეკომენდაცია ბუსტერ დოზის. თუ გვინდა, რომ მალე დავაღწიოთ ამ მდგომარეობას თავი და გადავრჩეთ, აუცილებელია სამი პირობის დაცვა: ავიცრათ, ვატაროთ ნიღაბი და დავიცვათ დისტანცია. ეს ეხება აცრილ და კოვიდ გადატანილ ადამიანებსაც. რადგან ყველა ვაქცინას თავისი დაცვის პროცენტული მაჩვენებლები აქვს. აცრის შემთხვევაში, ვირუსით ინფიცირების მიმდინარეობა იმდენად მსუბუქია, რომ თავიდან ვიცდილებთ ჰოსპიტალიზაციას და სიკვდილიანობას. საკმაოდ ვერაგი და ჭკვიანი ვირუსია, მხოლოდ სწორი დამოკიდებულებით თუ შევძლებთ მის დამარცხებას.

არ უნდა გვჭირდებოდეს, ჯარიმების დაწესება, ეს ჩვენი პასუხისმგებლობა და შეგნება უნდა იყოს, რომ გადავრჩეთ. ის, რომ, მომართვიანობა აცრებზე გაიზარდა, სწორედ მწვანე ბარათის და იმ მატერიალური დანამატის დამსახურებაა, რომელიც სახელმწიფომ რეგულაციების სახით დააწესა. ეს ერთგვარი პრევენციაა სახელმწიფოს მხრიდან, რომ თავიდან აირიდოს ვირუსის გავრცელების სავალალო მდგომარეობა. კიდევ ერთხელ, ავიცრათ, ვატაროთ პირბადე, დავიცვათ დისტანცია და მოვერიდოთ ხალხმრავალ შეკრებებს.

თ. ჯავახიშვილი

- დიუდო -

ლუკა მაისურაძე ევროპის ჩემპიონია

დღეს უკვე თამამად შეიძლება ითქვას, რომ ხაშურის საჯიდაო სკოლას, რამაზ ხარშილაძის შემდეგ, ლუკა მაისურაძის დონის დიუდოსტი არ ჰყოლია (ტა-ტო გრიგალაშვილი ჩვენი თანამოქალაქეა, მაგრამ სამწუხაროდ, იგი ქარელის სახელით ასპარეზობს). ჩვენი ოქროს ბიჭის წარმატებები, მართლაც თვალშისაცემია და დღეს იგი, მსოფლიოს მასშტაბით, ერთ-ერთ უძლიერეს დიუდოსტად ითვლება. ლუკამ ახალგაზრდებში ხომ ევროპასაც და მსოფლიოსაც დაუმტკიცა თავისი ძალა. შემდეგ დიდებშიც არ შეირცხვინა თავი და ბოლო წარმატებებით კიდევ ერთხელ დაამტკიცა, რომ 90 კილოგრამ წონით კატეგორიაში (მანამდე ლუკა 81 კგ-ში ასპარეზობდა), ლაშა ბექაურთან ერთად, მსოფლიო დონის ვარსკვლავია.

სულ რაღაც ოროიდე კვირის უკან, ლუკამ ერთი აღმაფრენით მოიგო საქართველოს ჩემპიონატი. დიუდოში ჩაუხედავ კაცს, ეგებ ეს ტიტული ნაკლებად წონადი ეგონოს, მაგრამ სულაც არაა ასე. საქართველოში, ამ წონაში, იმდენი კარგი დიუდოსტია, რომ ნებისმიერი ქვეყანა, ბევრ მათგანს სიამოვნებით შეიყვანდა თავის ნაკრებში. ლუკამ კი დაამტკიცა, რომ საქართველოს ნაკრებში, მართლაც დამსახურებულადაა.

საქართველოს ჩემპიონატი სულ ერთი კვირის დასრულებული იყო, როდესაც რუსეთში, ბაშკირეთის დედაქალაქ უფაში, ევროპის გუნდური ჩემპიონატი დაიწყო. ბუნებრივია, უფაში, ნაკრებთან ერთად ლუკაც გაემგზავრა. აქვე განმარტებისთვის: ევროპის გუნდური პირველობა ე.წ. შერეული ტურნირი იყო, სადაც ნაკრებში ვაჟთა და ქალთა თანაბარი რაოდენობა ასპარეზობდა (3X3). აღსანიშნავია, რომ შერეულ გუნდურ ტურნირებში, აქამდე, საქართველოს ნაკრები უტიტულო იყო, თუ არ ჩავთვლით 23 წლამდელებს, რომლებმაც, ამ ცოტა ხნის წინ, იხიემეს ევროპის ჩემპიონობა. ჩვენი „აქილევსის ქუსლი“ ქალი დიუდოსტები არიან, თუმცა მათი ბოლოდროინდელი წარმატებები იმედისმომცემია.

უფაში, პირველ მეტოქედ ავსტრიის ნაკრები გვევრო. ლუკამ სულ „თამაშ-თამაშით“ მოუგო თავის მეტოქეს. მას სხვებმაც აუბეს მხარი და 4:0-ის შემდეგ გამარჯვებული ჩვენი ნაკრები გამოცხადდა. შემდეგი მეტოქე ოლიმპიური ჩემპი-

ონი და მსოფლიოს ფინალისტი საფრანგეთის ნაკრები იყო. ეს დაძაბული შეხვედრა ჩვენების გამარჯვებით დასრულდა-4:2. ნახევარფინალში დიდი წინააღმდეგობა ვერც თურქებმა გაგვიწიეს და ისინიც იგივე ანგარიშით დავამარცხეთ. ლუკამ კი თავისი მეტოქე იპონით გააკრა ბეჭებზე. ფინალში ჩვენების მეტოქე ნიდერლანდების ნაკრები იყო. აქ მართალია, ქალები დამარცხდნენ, მაგრამ ვაჟებმა ყველამ მოიგო და 4:3-ის შემდეგ ევროპის ჩემპიონობაც მოიპოვეს. ლუკამ ისევე იპონით მოიგო. ნიდერლანდელი ტიგო რენესი ჯერ გარეფეხით გადაჩეხა ვაზარზე, შეხვედრის ბოლო წამებზე კი, მორიგ ვაზარზე ჩაატრიალა და თავის უკვე მრავალრიცხოვან ტიტულებს ევროპის ჩემპიონობაც მიუმატა.



ვულოცავთ ლუკას ამ გამარჯვებას და რა თქმა უნდა, ვულოცავთ მთელ ნაკრებს დღეისათვის, საქართველოში, 90 კგ. წონით კატეგორიაში, ორი უძლიერესი სპორტსმენია ლუკა მაისურაძე და ოლიმპიური ჩემპიონი ლაშა ბექაური. ვფიქრობთ, ეს კონკურენცია ორივე სპორტსმენისთვის სასარგებლო იქნება და ისინი ბევრჯერ ასახელებენ საქართველოს.

ჩვენ კი, დაეუბრუნდეთ ჩვენს ოქროს ბიჭს და ერთხელაც გუთხრათ, მაღლობა, ლუკა, რომ ასე გვანებიერებ შენს გულშემატკივრებს, მაღლობა, რომ ჩვენი ქალაქის სახელს მსოფლიოს აცნობ და დიუდოს მსოფლიო რუკაზე ხაშურიც გამოკვეთილად ჩანს.

გ. გოგოლაძე

ხაშურის მუნიციპალიტეტის სასპორტო სკოლის, რაგბის გუნდ „ლეგიონის“ აღზრდილის გია ხარაიშვილის მორიგი წარმატება

საქართველოს ეროვნული ნაკრების მარჯვენა ბურჯი, კლუბ „რასინგ 92“-ის გუნდის წევრი, გია ხარაიშვილი მსოფლიოს ლეგენდარული გუნდის „ზარბაროსების“ მაისურით უახლოეს დღეებში, ლონდონში, „თვიქნემ სთედიუმზე“ სამოას წინააღმდეგ იასპარეზებს.

შეგახსენებთ, რომ ზარბაროსები, ცნობილი -



ლეგენდარული კლუბია, რომლის რიგებშიც მსოფლიოს მრავალი საუკეთესო მორაგბეც გვინახავს. დასაბამიდან (1890 წ.) დღემდე, სამწრთვან ელოშტაბს სხვადასხვა დროს შეურჩევია მორაგბეები 31 ქვეყნიდან. „ზარბაროსებში“ თამაშის დიდი პატივი არის მოწვევითი მხარე - მოთამაშეები წარმოადგენენ საკუთარ კლუბს ან ეროვნულ ნაკრებს და

იკვამენ შესაბამისი კლუბის ან ნაკრების წინდას. კვართზე შავი და თეთრი ზოლები კი სიმბოლურად ნიშნავს გაცილებით მეტს - „ზარბაროსად“ ყოფნა წარმოაჩენს მორაგბის დიდ ამბიციას, სიამაყეს გაწეული დეაწლისთვის სარაგბო კარიერაში. ტრადიციულად, გუნდს ყოველთვის ჰყავს ერთი უკუპო მოთამაშე მაინც, ვიღაც ახალბედა, რომელიც ჯერ კიდევ ახლა იწყებს თავისი ქვეყნისთვის სახელის მოხვეჭას. იმის გამო, რომ ეს კლუბი ტურებზე არ არის ორიენტირებული, არ აქვს საკუთარი ბაზა, მაგრამ მისი წევრები ყოველთვის უზრუნველყოფილი არიან მასპინძელი კლუბების დახმარებით. ლეგენდის თანახმად მათ ყოველთვის შთამბეჭდავად მასპინძლობდნენ წლების განმავლობაში. წარმატებები, ჩვენს უკვე სახელოვან მორაგბეს!

ხაშურის N1 საჯარო სკოლაში გარე სპორტული მოედანი საზეიმოდ გაიხსნა

მოედნის მოწყობის სამუშაოები განახორციელა საგანმანათლებლო და სამეცნიერო ინფრასტრუქტურის განვითარების სააგენტომ. პროექტის ღირებულებაა - 69874.99 ლარი;

მოედნის გახსნის ღონისძიებაზე მოხდა პირველკლასელთათვის ბუკების გადაცემა (87 მოსწავლე). პროექტის ღირებულებაა - 78300.00 ლარი;

ღონისძიების ბოლოს ოქროს და ვერცხლის მედლები გადაეცათ 2019, 2020 წელს კურსდამთავრებულ წარჩინებულ მოსწავლეებს.

ღონისძიებას ესწრებოდა, ხაშურის მუნიციპალიტეტის მერი თენგიზ ჩიტიაშვილი და ქალაქ ხაშურის საგანმანათლებლო რესურსცენტრის უფროსი ზვიად გოგუაძე.

მკითხველს შევასვენებთ, რომ პირველი საჯარო სკოლა წელს, მსოფლიო განათლების კვირეულის ფარგლებში, მსოფლიოს ასი წარმატებული სკოლის ჩამონათვალი შევიდა. ეს, რა თქმა უნდა, უდიდესი წარმატებაა და სასიხარულოა, რომ სკოლა, მისი პედაგოგიური და მოსწავლეები მიღწეულით არ კმაყოფილდებიან და ახალი მწვერვალებისაკენ ილტვიან. ახალი სასპორტო მოედნის შემატება კი ახალი მიღწევებისაკენ გადადგმული კიდევ ერთი ნაბიჯი იქნება.



D გოდერძი, მიხეილ და ნათელა ხაჩიძეები ოჯახებით, ღრმა მწუხარებით იუწყებიან, რომ გარდაიცვალა ვასილ ხაჩიძე და თანაუგრძნობენ განსვენებულის ოჯახს.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი და გაზეთის რედაქტორი გიორგი გოგალაძე მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. D-ით მონიშნული სტატია იბეჭდება დაკვეთით გაზეთი იბეჭდება თბილისში.